

պատի հալոդ, մաշոդ, թմրեցնող ազդեցութիւնը չէր սպանել նրա կենդանութիւնը, եւ գուցէ Աղթամարայ անապատը ազատ էր այդ ազդեցութիւնից: Ես նոյնը նկատում էի եւ նրա միաբանների մէջ: Դրանք, Կտուց անապատի արեղաների նման, մշտական աղօթքից եւ ճգնութիւնից բթացած, ապուշ դարձած, դանդաղկոտ մարդիկ չէին. դրանց մէջ երեւում էին կեանքի եւ ամողջութեան նշոյլներ: Ռշտունեաց աշխարհը, երկրի բնութեան համեմատ, ամառ էր բերել մի ինքնուրոյն հոգեւորականութիւն: Այստեղ քահանան կրքեր ուներ, գիտեր վրեժխնդիր լինել: Երբ իր սիրած սուրբը չէր կատարում նրա խնդիրքը, նա դադարում էր նրա ամջել խունկ ծխել եւ մոմ վառել:

Աղթամարայ միաբանները, Կտուց անապատի արեղաների նման, աշխարհից անջատուած չէին, դրանք, իբրեւ միաբանութիւն մի կաթողիկոսի, աւելի կառավարչական անձանց նշանակութիւն ունէին, շատ անգամ դուրս էին գալիս կղզուց, շրջում էին վիճակներում, իրանց արթոռին պատկանեալ հոգեւոր պտուղը հաւաքելու: Թէեւ Աղթամարայ կաթողիկոսութեան թեմը աւելի փոքր, աւելի սահմանափակ էր, քան Վանայ առաջնորդութիւնը, բայց նա մեծ ուժ ուներ, որովհետեւ ժողովուրդը խիստ սերտ կերպով կապուած էր իր արթոռի հետ: Երբ նրա կաթողիկոսին մի որեւէ վտանգ էր սպառնում, իսկոյն շատախցին, սասունցին ձեռքը տանում էր դէպի իր խենջարը...

Կաթողիկոսից բաժանելուց յետոյ Ասլանը, մի քանի արեղաներ հետը ամառ, սկսեց պտտել կղզու մէջ, դիմեց դէպի հին բերդի աւերակները: Մեր ընկեր Ջալլադը խնդրեց բաց անել վանքի տաճարի դուռը, մտաւ այնտեղ՝ ինչ-որ բաներ քննելու: Իսկ ես շրջում էի տաճարի շուրջը ե՛ւ հիացած, ե՛ւ խորին տխրութեամբ նայում էի պատերի բարձրաքանդակ նկարների վրայ:

Ահա այնտեղ Աբրահամը զոհում է իր անդրանիկին. սիրելի որդու պարանոցի վրայ դրոճած է ուխտադիր հոր դանակը: Եհովայի հրեշտակը, երկնքից իջնելով, բռնել է հոր ձեռքը եւ մատով ցոյց է տալիս խոյի վրայ: Ամբողջ պատկերը շնչում է բիբլիական ջերմեռանդութեամբ, երբ նա փրկութիւնը ու քաւութիւնը արեան մէջ էր որոնում: Բայց հրեշտակի մի թեւքը, Աբրահամի այն ձեռքը, որով բռնած ուներ դանակը եւ Իսահակի սիրուն գանգրահեր գլուխը ջարդոճած էին: Գեղեցիկ նկարը այլանդակուել էր...

Ահա այնտեղ Յովսէփի եղբայրները ծախում են նրան եգիպտացի վաճառականներին. լուռ եւ տխուր դեմքով կանգնած էր հոր սիրելին եւ եղբայրների ատելին մարդավաճառների խումբի մէջ: Յովսէփի գեղեցիկ աչքերը փորած էին, եգիպտացի վաճառականին զրկել էին մի ոտից, եւ այնտեղ չոքած ուղտերի մէկի պարանոցը, միւսի ծնկները փշրել էին: Հրաշալի պատկերի աղէտալի կոտորածն էր միայն մնացել: